



18263

KAT. KOMP.

I

Mag. St. Dr.

p

Sacht.

immolationem

Obraecht

Przyjemski, Castell. Gnesnensis.

PANEG. et VITAE

Polon. 4^o

N^o. 745.



PARENTALIA,

SVPER IMMATVRVM OBITVM,

Illustriſſimi & Magnifici Domini,

D. A D A M I

OLBRACHTI,

à PRZYIMA

PRZYIEMSKI,

CASTELLANI GNESNENSIS, RE-

GN. POLONIÆ, SENATORIS,

COMITIS GORCENSIS, LIBERI BA-

RONIS OSSIEGNENSIS, CIVITAT:

RAVICZENSIS, & IN SIERAKOWO

Domini Hæreditarij &c. &c.

E viuis, cum ingenti, totius Sarmatiae, dolore & de-
siderio, 28. die, Mensis Iulij, Anno CHRISTI,

1644. placidè sublati, conscripta.

Ab

A. R. N. C. & T. P.

Plin: Lib: 3. Epist: 18.

*Laudarè optimum Dynastam, ac per hoc, è speculâ,
lumen posteris, quod sequantur, ostendere: pluri-
mum utilitatis habet: arrogantia nihil.*

BIBLIOTH. UNIV.



JAGELLONICAE

18263.7

SVBSISTE HIC PAVLVLVM, LECTOR
BENEVOLE, ET LEGE SE-
QVENTIA.



INTER alios labores, quibus vi-
tæ humanæ cursus, conficitur, non
minimus est, is, qui passim in mu-
niendis arcibus collocatur, & mi-
litum receptaculis, quibus ab incurfu ac
direptione hostium, corpora ac bona ci-
uium, quauis ratione defendantur. Cui
prouidentia & curæ, tuendorum corpo-
rum, ab hoste externo, vtinam responde-
ret studium & meditatio, repellendi illius,
qui eum mortalibus, immortale bellum
gerit! nunquam tot animæ, in tristissimos
diaboli laqueos, inciderent, ac miseran-
dum in modum, perirent. Iam tanta, in
hominum mentibus, radices egit securi-
tas, vt inter maximas hostiū crudelissimo-
rum copias, inter infinitas, vitiorū, machi-
nas, pleriq; sine muris, sine turribus, sine
vlllo apparatu, & excubijs, tanquam En-
dymi-

dymionis somno, oppressi iaceant. Quo
quid ineptius, quid periculosius, dici aut
fingi potest? Perturbatissima certò est
tranquillitas, vbi corporis domicilium,
contra hastas & ballistas, clausum, septum;
& munitum est: animus vero domesticis
hostibus, semper patet, ab ijsq; oppugna-
tur quotidie & expugnatur.

Quod si alterutrum omittendum sit:
quanto satius fuerit, ad arcendos eos, qui
animæ insidiantur, castellū erigere, quam
qui corpori? Enimuero, quàm fragilia sint
eiusmodi propugnacula, quid attinet di-
cere? plurimarum arcium, quæ olim vali-
dissimæ habitæ sunt, cadauera hodie, ar-
gumento sunt, nullum vsquam reperiri lo-
cum inexpugnabilem. Ingens iacet Ili-
um: iacet Corynthus, quæ perpetuitatem
consequentis temporis, sibi certò pollici-
ta fuerant: tum valdè, quàm multi Reges
potentissimi, ex turrium culmine, in hosti-
um vincula, tracti sunt: exercitusq; Ro-
manus, muros Hierosolymitanos transuo-
lauit

lauit. Atq; vt maximè, arces munitæ, ad
ferendam obsidionem, sint latebræ, impe-
tumq; hostilem, ad tempus sustineant,
mortem tamen excludere nequeunt, quæ
nec ad conscendenda turrium fastigia, sca-
lis indiget: nec ad diruendos muros ariete:
sed, vt Poëta canit, æquo pulsat pede, pau-
perum tabernas, Regumq; turrets, eosq;
ex augustis palatijs, in angustas admodum
domos conijcit. Rectius igitur faciunt, &
melius sibi consulunt, qui ante omnia, de
profugio animæ, sunt solliciti: Id quod fe-
cit, Illustrissimus & Generosissim^o Domi-
nus, D. ADAMVS OLBRACHTVS
à Przyima PRZYIEMSKI, ex per an-
tiqua & Illustri PRZYEMSCIORVM
familia, oriūdus, Patre Illustrissimo & Ma-
gnificentissimo, D. ANDREA de Przy-
ima PRZYIEMSKI, Castellano Gne-
snensi, postea Curix Regni Marschalco, à
quo à primo lacte, in auita Catholica Ro-
mana Religione, educatus & informatus
est, vt vbi primū agnoscere, insidias ho-

stium. ac furores cœpisset, mox de tali
præsidio cogitaret, quod convenientissi-
mum & vitæ saluberrimum videbatur. Si-
mul ac defunctus noster H E R O S, ad ca-
pescendam disciplinam. fieret habilis;
ad virtutum & literarum studia, fideliter
ductus est, ac feré, in ipsis, quod aiunt,
crepundijs, subsecuturæ vitæ documenta
præclara edidit. Quemadmodum enim,
frustra afflatur cinis, omnis scintillæ ex-
pers, sed fauilla intus sit, necesse est, quæ
flando excitanda & in flammam erigenda
est: sic licet interdum, natura, studio mol-
lita, cultum ingenij admittat, & discendo,
conandoq; augeatur: vt plurimum tamen,
opera, luditur in ijs, qui ad præclara qui-
dam & magnifica, à præceptoribus insti-
tuuntur, repugnante autem natura, pro-
gredi, ad altiora nequeunt, verum, vt ait
Pindarus, ad viuacem nominis famam.,
contententes, silentio sepeliuntur.

Progressæ ætatis Dynastæ, plurimum.
commodauit, fidelis institutio, Reueren-
dorum

dorum Dominorum Patrum, Societatis
IESV, Virorum, extra inuidiæ aleam, do-
ctissimorum, qui linguarum perpurgata
vitiligine, omniq; deterfa barbarie, per
vniuersam Europam, suos habent lauda-
tores. Reuered: PP. igitur, de quibus di-
xi, fideli ductu, Dominus PRZYEMSKI
ad virtutem, & per virtutem, ad summa il-
la, quæ in hominem cadere possunt, pro-
uectus est. Nam cum amplissimam gloriæ
possessionem, sibi à maioribus relictam a-
nimaduerneret: eam, non modo amittere,
sed reddere ampliorem, familiæq; digni-
tatem & splendorem propagare, ad po-
steros, vnicè studuit. Ac primum quidē,
pubertatis annos, emensus, ne in expert^o
rerum, locorum atq; hominum, aliquan-
dò, capeffere videretur Rempubicā, pro-
fectionem adornauit, ac potissimum ele-
git, aulam, Diui SIGISMVNDI III. Po-
loniæ ac Sueciæ Regis Augustissimi, feli-
cis recordationis, in quâ, mores & disci-
mina personarum, ingenia Principum,

ordi-

ordinem pugarum, & imperatoriam il-
lam scientiam, instruendi aciem, addisce-
ret. Cuius etiam castra, secutus est, & mi-
litauit ad Choćimū, aduersus hostem per-
petuum & infestissimum, Crucis Christi,
cui nulla voluptas maior oboriri potest,
quam si igne, ferro, & cruenta impressio-
ne, vrbes, oppida, castella, pagos, domos-
que Christianorum, deuastari: filios, in
conspectu parētum truculenter iugulari:
matronas ac puellas, turpiter stupratas,
creduliter necari: viros, non solum robu-
stiores, sed & senio debiles & canitie ve-
nerabiles, omni suppliciorum genere, ma-
ctari: ipsa denique altaria & Sanctissimi
Numinis delubra, impiè conspurcari vi-
derit. Contra talem, Christi & Christia-
norum hostem, HEROS noster PRZYEM-
SCIVS, arma sumpsit, tum, vt ipsius furori
obstisteret: tum etiam, vt vsum armorum, a
peritissimis Ducibus, cognosceret; si fortē
ita res ferret, vt ars sclopetaria, tormen-
taria & sagittaria, quam exercitationibus

ludicris

ludicris, antea sibi comparauerat, in conflictibus serijs, foret adhibenda. Finito bello, & impetrata à Regia Magestate dimissione, Przyemscius, in Patriam reuersus est, & cum iam innotuisset, in castris metandis solertia, in causis diiudicandis, æquitas: in dandis consilijs, prudentia, omnium suffragijs, annuente S. Regia Magestate, primum Metator Castrorum: deinde, Castellanus Gnesnensis & Regni Senator, constitutus est: quæ officia, ita administrauit, vt nec fautoribus admonendi, nec obtrectatoribus, resistendi, locum relinqueret. Quemadmodum enim, fax, in sublimi posita, simul & semel, multis caligine in errorem abreptis, aut ad prolapsum pronis, succurrit: sic ipse, cunctis, virtutum exemplo, præluxit, vt quid iustum & æquum esset, tum verò, quibus rationibus, Reipub: ruina, vitari posset, nullo negotio cernerent. Nam, cum subditi, in gubernatione, animum, quasi per rimulas introspeciant: & qui Imperio maximus est,

idem maior sit exemplo: vt rectè dixit, Pa-
terculus: adeò inuictum se à vitijs præsti-
tit, vt (quantum imbecillitas humana pa-
titur) vita eius esset, tanquam imago quæ-
dam, integritatis ac virtutis. Cæterum,
ita hic vixit, vt nec insolentiæ tumidæ, nec
timidæ inertię ac voluptati, esset deditus:
sed omnibus conspiciendum sese exhibe-
ret, & tranquillum, sine desidia, & glorio-
sum, sine superbia. Ita in ipso, humilis mo-
destia, cum magnanimitate Heroicâ, ami-
cæ & laudabiliter concertarent. Porro il-
lustrissimus, per vniuersum vitæ tempus,
ad Religionis innatæ & Pacis tranquillæ,
procuracionem ac defensionem natus fu-
isse, visus est: sic gubernationē suam, cum
foundationib⁹ Monasteriorum non solum Pa-
trum Franciscanorum, sub regula strictio-
ris Obseruantię, in ciuitate sua Ofsiec-
znensi, verum etiam Fraternitatis S. Ro-
sarij, Ord: Patr: Dominicanorum in Gor-
censi, & S. Scapularis in Ofsiecznēsi, præ-
dictis suis Hæreditarijs Ciuitatibus ma-

ximo omnium Catholicorum applausu con-
spectiorem reddidit: deinceps quoque ita
se gessit, ut ante omnia semper sollicitus
esset, ulterius de propaganda sanctissima
religione, actum demum iucunde vivere
videretur, cum prospexisset Ecclesiæ Ca-
tholicæ, hoc est: non solum ad huius mun-
di famam, sed ad ipsum cælum, sibi scalam
applicasset, verum enim, ex libro sapien-
tiæ, de sapientia cælesti, dicere poterat:
Ego hanc exquisiui, à iuuentute mea: hanc
mihi assumpsi, in Sponsam & amator sum
formæ illius. Hanc suam Sponsam, serio
semper ac deuote tractandam, commen-
dauit ijs, qui ad SS. Sacramenta in Ecclesijs,
sux ditionis, fuerunt constituti, nec aut
vlla re magis oblectatus est, quam si audi-
ret, recte in templis administrari sacra: aut
illos sumptos fecit libentius, quam qui ad
Catholicam Religionem propagandam,
impenderentur. Proxima cura fuit, ut,
quæ Rempubl. spectabant, responderent
prioribus, quandoquidem omnia consilia,

retulit, ad subditorum pacem, quæ vna, secundum Poëtam, est triumphis innumeris potior. Eaquæ sublata, idem est, ac si obstruatur fons ille, vnde ad subditos omnes, omnium bonorum copia defluit. Scitè autem Athenis, Pacis quondam simulachrum fuit positum, teste Pausania, gestans filium Plutum: quo innuere voluerunt homines sapientissimi, opes (quibus Plutum, antiquitas præfecit, quod ex imis terræ visceribus eruantur) tum demum reperiri, in Rebus publicis, si pax, à Poëta, merito aurea denominata, in ijs efflorescat: si quis fortè excipere malit, Martis filios istos, quibus sola est voluptas, viuere ex rapto, quos suo genio & ingenio, relinquimus. Sicuti autem Illustrissimus Dominus PRZYIEMSCIVS, in eo totus fuit, vt cum vicinis & exteris, omnis prosperitatis parentem, aleret Pacem: sic gentem, fidei & protectioni suæ concreditam, non aliter, ac bonus pater, vnicam filiam, in sinu suo complexus est, eamquæ, tam domi, quàm foris, fouit, au-

xit, & quibuscunq; potuit, ornamentis cum-
mulauit. Nihil hic fingo, nihil de auri-
bus illius, qui hæc non audit: aut si audiat,
fingenti commodare nihil potest; memo-
ria in medio est: eam quilibet consulat: re-
periet illum, tantum abfuisse à tyranide,
vt non solum apud suos subditos, amabi-
lissimum illud antiquissimorum Dynasta-
rum nomen, PATER PATRIÆ, quod
nonnullis iniquè admodum tributum est,
crebrò iteratum, experiretur, sed finitimi
etiam populi, vicinis suis, Dominum adeo
clementem, inuiderent.

Cæterum Illustrissimus Noster, matu-
rus ad Coniugium, matrimonium iniit, &
nuptias celebrauit cum virgine tali, quam
ob corporis, animique dotes admirabiles,
cum sacris literis, ESTHERAM, dixe-
ris, vel si quid fæminarum Illustrium gene-
re, ESTHERA, fuit religiosior, ZO-
PHIA GRZYMVL TOWSKA: Me-
dicere animaduertis Lector; Heroinam
illam, quæ edita, patre Illustrissimo IA-
NVS-

NVSIO GRZYMVETOWSKI
Castellano Bydgostiensis, Capitaneo Srzodensi &c. quæ antiquam & venerandam nostram Catholicam religionem, sincere & fideliter coluit: sacra templa ædificari ac refici curauit, magnificè & euidenter: pauperes sustentauit, ægrosq; recreauit, lautè & liberaliter: mariti curas, leni iucundè & prudenter: subditos amplexa est sedulo & amanter: ex omnibus deniq; dictis & factis, mentis purissimæ, emisit radios. Verum & hæc curarum requies ipsius Magnificentiae subtracta est, quando splendidum illud sydus Poloniæ, occidit & vxor generosissima, Maritum, cuius animū, solis instar, illuminauerat, densissimis mœrorum nubibus, immersum reliquit. Non mirum, si Illustriss. Dominus, cum Iobo exclamauit: Sagittæ Domini in me sunt: & ex Diuo Augustino, eiulauit: Heu! de quanto bono, in quantū malum decidi. Verum, qua fuit animi magnitudine, mox procul dubio, addidit ista:

Certus

Certus sum, quod vita nostra, non temera-
riis motibus agatur, sed a te, Domino Deo
nostro, disponatur & gubernetur. Tu igi-
tur Domine exterius flagella irrogas, da
intus indeficientem patientiam. Dedit
certè misericors Pater, vt a luctu acerbis-
simo, Illustriss: Dominus Castellanus pau-
latim auocaretur, & mentis ipsius ægritu-
do, si nō sanaretur penitus, magna tamen
ex parte leuaretur. Quam ad rem, non
parum opis tulit, tum ortus nitore & amæ-
na corporis dignitate, tum etiam eximia
animi pietate & virtute præstantissima.
Virago, DOMINA ANNA CON-
STANTIA, Illustrissimorum Parentū,
DOMINI SIGISMVNDI de GRV-
DNA GRVDZINSKI, Palatini Cali-
sienfis, & DOMINÆ ANNÆ OPA-
LINSKA, filia, quæ pronuba DEI cle-
mentia, DOMINO PRZYIEMSCIO,
nupsit, & venustissima gratia, animum hu-
ius transtulit, ad iucundiora, fecitque vt
memoria doloris veteris, noua lætitia ex-
pellere-

expelleretur. Neque coniugium hoc sterile: fuit: Felicitatis enim, cælitus promissæ, prolem laudabilem protulit, Generosissimam Hæroinam, SOPHIAM, quæ, nuptui data, Illustri & Magnifico Domino, ALEXANDRO à STEMBERK KOSTKÆ, Beati nostri, STANISLAI KOSTKÆ, agnato: quæ ab ipso vitæ limine, tantam & naturæ bonitatem, & mentis generosæ integritatem, omnibus conspiciendam exhibuit, vt ad huc omnis ditio, eiusdem pietatem & clementiam, admiretur. Proindè eximie & beneuole Lector, intellexisti, me recensente, Illustrissimi D. PRZYIEMSKI laudabilis iuuentutis integritatem, memorabilem matrimonij felicitatem, admirabilem totius vitæ integritatem. Accipe nunc paucis exoptatam mortis tranquillitatem. Nouerat Dominus Castellanus ex Diuo Augustino & Basilio: Deuotam orationem, esse oranti subsidium: DEO sacrificium, Diabolo supplicium. scutum in nocturnis

terro-

terroribus: requiem, in diurnis laboribus,
munimen iuuenibus: solamen senibus:
eamque ob causam, nullam de cælo, diem
labi passus est, quem non auspicaretur, a
pijs precibus & sacris officiis auscultandis.
Eadem ratione, morbo correptus, cum
extremam vitæ horam, sibi adesse persen-
tisceret, sanctissimis Sacramētis munitus,
complicatis manibus, ardentibusque su-
spiriis, animam suam, DEO commen-
dans, absque vlllo ferè mortis sensu, ob-
dormiscens, vitam hanc deseruit.

Sic igitur collapsa est Regni colu-
mna solidissima: rupta est, Orbis Sarmati-
ci, corona fulgidissima: obiit assertor pa-
cis publicæ: vindex iustitiæ: assertor Ec-
clesiæ: Mœcenas Literatorum: PATER
PATRIÆ: decus naturæ: amiserunt,
Monasteria & Tempia, nutritorem libe-
ralissimum: Ciuitates protectorem glori-
osissimum: subditi Dominum gratiosissi-
mum: literæ hospitem: studia amatorem:

C

vir-

virtus imaginem. Exaudijt Omnipotens
vocantem, amplexantem sustinuit, spiri-
tumq; manibus suis commendatum placi-
dissime sustulit: adeò, vt ex grassatore hoc,
gestator fieret, ex mortis periculo, in ve-
ram vitam, vehiculum. Itaque huius o-
bitum Mariti, lugebit tristissima derelicta
vidua & suauissimi superstites quidem. a-
moris enim istum affectum, quem naturæ
conditor, induit, exuere nemo poterit,
qui non fratris, aut vxoris nomen abijciat,
sed nihilominus, gaudebunt, cum ex his
terris, abeundum fuerit, ita cum abijsse, vt
honestam nominis sui memoriam, apud
nos reliquerit, sempiternam, apud DE-
VM, quietem inuenerit. De qua ipsi, ex
animo, meritò gratulamur.

Ad tumulum

Illustrissimi & Magnifici Domini,
D. ADAMI OLBRACHTI

PRZYIM. A.
PRZYIEMSKI
CASTELLANI GNESNENSIS,
COMITIS de GORKA &c. &c.

ACCIPE *deserta Patria, Comes, ultima grati*
Pectoris officia, & quod confecro, flebile manus
Exequijs, masto ore, tuis, ne despice, Lauro
Non ego tinea Vates, sed fronde Cupressi
Tristia ferali, praecinctus tempora, serito,
More strigis querulo, male faustos, pectine cantus.
Apparo funebris, stridebit Apolline nullo
Nenia; vos lacrumis adiungite Carmina, MUSA,
Quid non fata parant, cum te, clarissima GENTIS
GLORIA PRZYEMSCIAE, quo vix praestantior alter
Non erat, & pietate animi praecelsior; atro
Eheu corripiant letho! seclisq; futuris
Spem vitae eripiant! tua dum dignissima ductu
Currere perpetuo, male rumpunt, stamina, Parca.
Siccine nos miseri, COMITVM, te gloria praestans
Cernimus impositum pheretro? sic pallida textit
Ora lues? ubi frontis honor, faciesq; venusta,
Purpureis depicta rosis? ubi viuida virtus?

Non Regis sic fata dolent, Aegyptus; Et ingens
 Lydia, non populi Parthorum, aut Mædus Hydaspes;
 Ut, VIR GELSE, tuum, plorat gens subdita funus,
 Et mortem, ante diem: quem non hominumq; Deumq;
 Incusat demens? tumido iacet abdita luctu
 LOECHIA fœta pavens, violati Nummis iras,
 Non eadem luctus causa omnibus: ille Parentem,
 Exstinctum Patriæ plorat: dolet iste columnam
 GENTIS SARMATICÆ, tristi occubuisse ruinâ.
 Hic, sacris adiutis, pius ingemit: Ille quietæ
 Pacis amans, Fatig; minas, rabieq; Tyranni
 Horrescit Getici: celebres, mala damna, sequuntur
 Exequias: tacito premit alium, corde, dolorem
 Progenie diti genitor, sed paupere censu.
 Hæc paræ orba suo, in gemitus ruit: Illa marito:
 Spem longam, tulit barba brevis: nunc omnia luctus
 Occupat Et gemitus, ceu, rorans lacryma nusquam
 Vlla fluas, maesto, testantur singula vultu.
 Nupta, Et GRYDZINSKODE SANGUINE, creta iugali,
 Altera, dignathora tanto, servata dolori,
 Tanto, mortiferis iam dudum saucia telis,
 Concidit exanimis: custodes corporis agras
 Inter Et egregiam sobolem: Domus undiq; planctu
 Ingenti reboat, nec dum laxata querellis
 Est via: vix tandem afflicto suspiria corde
 Exhalant, crebrèq; effunditur imber ocellis
 Turgidulis; nec passa moras vox turbida; me nè

Deseris, ó mea lux, inquit, mea vita, meum cor,
Ac desiderium misera, hoc immane, relinquis?
O utinam, tumulto, Coniunx, cum Coniuge, eodem
Condar & ossa lapis tegat idem! vivere mors est;
Hoc sine, vita mori. cum Coniuge; adeste ministra:
Deuotum vittate caput: vixi satis, & iam
Nil fera Fata moror: faciles date, manibus imis,
Iniurias: similis me mors agit inuida nostri;
Atq; eadem clemens votis, comes ire sub umbras
Cara anima cupio: manibus mox pectora tusa,
Et teneras laniata genas, collabitur: omnes
Adstant attonti: digitis petit ille capillos:
Ista genas: gelido quicquid resupinus in Hemo,
Thracius Eurydice amissa, conquestus, & atris
Memnonis exequijs, mater furibunda, locuta est,
Audijt, heu, properè, sublatis PRZYMSCIDIS aula.
Sol etiam nigro, faciem velauit, amictu,
Commiserans mundaq; vices, hominumq; labores:
Solvitur infletus; lacrymisq; cadentibus, humet
Iuppiter, arctato nox intempesta liquore
Tecta, solumq; tegit, peplum funebre, ministrans
Agris, arboribus, saxis, Paphysq; rosetis.
Quin triste audires sylvas ululare, ferasq;
Sole sub occiduo, & noctem exercentibus astris.
Tu verò humanis, iam non exercita, curis,
Sancta anima, Elysiumq; colens, venerabilis umbra,
Quin potius rutili, per fulgida sidera cali,

Lactea qua ducit via, letis vecta quadrigis.
 Sincera fidei, nil tartara seu tremiscens,
 Ter geminumq; canem, forsan hac suspiria noscis,
 Aut vides, numero cali, mille agmina adaugens,
 Sub pedibusq; videns, attrita spicula mortis:
 Vixisti satis, ingenio, virtutibus, annis,
 Dum modo in his terris, satis est, virtutibus annis,
 Ingenio, innumeros, superare Heroas: auitum
 Stemma retrò multis, sparsit sua lumina, seclis,
 Consilijsq; Armisq; potens, cui barbara cessit
 Gens Othomagina ducis olim; tetrius atra
 Dire genus: Puerum lactarunt, ubere diuo,
 MUSA, CHARIS, NEMESIS, clarum sapientia nomen
 Obstetrici dedit MUSA: Charis alma benignum,
 Esse bonis iussit. reprobris Rhamnusia acerbum.
 Magna semper erat, viuo, RESPUBLICA, cura
 RELIGIONIS amor; rumores ante salutem
 Haud posuisti, atq; esse patrem, quem ditior altis
 Maluit ingenij virtus: Honor artibus: Aula
 Exemplum: Pietas Regno: fors hospita Templis,
 Legibus auxilium: Bellone terror iniqua:
 Praesidium Paci: nunc continet urna DYNASTIAM.
 Acer amor fragilem, terris te ducere, vitam
 Vltius cupit his, animamq; redire sepulchro,
 Verum aliud visum superis: tibi plurimus ore
 CHRISTVS erat: CHRISTO Duce, formidabilis ipse
 Victor eras. Mentem non abicere tumultu,

Res dubia: applausu non inflauere secunda
Sorte utraq, animus fuit idem: mobilis ergo
Deserta est regio: qua sita immota: beata
Qua mentes habitant, sine letho & crimine, turba
Vtraq, vita huius, dum Fata Deusq, sinebant,
Exoptata thori Confort, fert obuia gressus,
Jamq, iterum atq, iterum, dextram coniungere dextris
Posse datur, dulcesq, audire & reddere voces.
Personat hinc calum, strepitu alataq, resultant
Latitiâ, celorum acies: lustrantq, canentes,
Quis nouus aetherea domui, successerit hospes.

PHORBE potens numeris, afflataq, numina Phæbo
Ferte pedes faciles, ad funus triste, sepulchrum
Vos vocat: incensis circum funalibus, urnam
Cingite; si desunt hedera, si flos Hiacyinthi,
Si rosa, si viola: date thura, & valle sabæa,
Quicquid mittit Arabs: tumulo solennia mæsto
Soluite, serq, Vale extremum, pia, poplite flexo
Lingua sonet: marmor seclis, signate, futuris
Carminibus, quod cultu senium ferat. ô ego molem
Magnificam, aetherio, si possem educere, calo:
Quam non tempus edax, quam non cariosa vetustas
Diruat! haud aliud malim; sed ponere celsas
Non opis est nostra, picturatasq, columnas:
Quod licet id peragam: nigrani firmate, corpus
Indutus, cineri, dabo Februa mæsta quot annis.

Opa-

O Pater, alme Pater, si non exosui, ad unum,
SARMATICOS, tua si pietas antiqua, labores
Respicit, humanos, merita, placabilis, ira,
Vltrices scelerum flammæ, auerte, ut inani
Fulmina, bruta cadant, tonitru: PRZYMA auspice, nata
Stet fortunata Domus: & Aui numerentur Auorum.

EPITAPHIVM EIVSDEM,
JLLVSTRISSIMI CASTELLANI,
COMITIS &c.

EN ego, qui CELSO, PRZYMAO STEMMATE, natus:
Hac gelidâ posui, languida membra, solo.
Qui fuerim quondam, te SARMATA TERRA, docebit:
Quinunc sim, posthac, quisquis es hospes, eris.
Perpetuò nemo vivit: rapit omnia lethum;
Fluxa obeunt; pereunt lubrica: cuncta cadunt.
Fama levis: leuior Fortuna: leuissima mens est:
Hæc longè exsuperat, sed leuia, ipse homo.
Fama brevis: breuior Fortuna: breuissima mens est:
Hæc multò excellit, sed breuia, vnus homo.
Mobilis est ventus: veloxq; volubilis annus:
Gloria nostra brevis: funda voluta, levis.
Mobilior sed homo est, hominis velociter ætas:
Et leuior, breuior, vita necisque dies.
Marcescunt subito violæ, cito lilia languent:
Somnus abit: pereunt vitra; volatq; sonus.
Sed citius, flaccescit homo: citiusque fatiscit:
Quam violæ, somnus, lilia, vitra, sonus.

D. O. M. S.

Quisquis es, subsiste viator, & diræ mortis, adspice triumphum,
namq; hic,

ILLVSTRISSIMVS DOMINVS
D. A D A M V S

OLBRACHTVS a PRZYIMA
PRZYIEMSKI,
CASTELLANVS GNESNENSIS,
REGNI POLONIÆ SENATOR
GRAVISSIMVS &c.

*Eroniugali copulatione, duarum Illustrissimarum He-
roinarum, prioris Dominae,*

ZOPHIÆ GRZYMVL TOWSKA.

Olim Illustrissimi & Magnifici Domini,

D. IANVSII GRZYMVL TOWSKI
CASTELLANI BYDGOSTIENSIS &c.
CAPITANEI SRZODENSIS
FILIÆ

Alterius verò,

DOMINÆ ANNÆ CONSTANTIÆ
DE GRVDNA GRVDZINSKIA,

ILLVSTRISSIMI DOMINI SIGISMVNDI
DE GRVDNA GRVDZINSKI,
D PALA.

PALATINI GALISSIENSIS,
F I L I Æ.

præsertim verò

Quod ex illa, in hanc lucē prodierit, Illustrissima illa proles, gnata unica,

DOMINA ZOPHIA

Nuptiū data Illustrissimo

D. ALEXANDRO à STEMBERK KOSTKA,

felix

Diuo SIGISMUNDO III. piæ me-
morix, nec non Diuo VLADISLAO
IV. Poloniæ ac Sueciæ Regibus
augustissimis.

Charus,

Auitæ Catholicæ Romanæ Religionis, assertor,

Eiusdemq̃.

In Ciuitatibus, suæ ditionis, vt potè, in Monasteriorum. Ord:
Sancti Francisci Minor: Conuentualium, strictioris Obser-
uantix, Goræ & Osiecne; foundationibus,

PROPAGATOR.

Itidem,

In Foundationibus Fraternitatum S. Rosarij, in Gorcensi: Et S. Scapularis
in Osiecnensi, prædictis suis hæreditarijs Ciuitatibus,
deuotissimus & liberalissimus

PATRONVS.

Patriæ

Patriæ salus:
Turcarum terror:
Moschouitarum malleus:
Pauperum Asylon:

Summatim,

Sarmatiæ sydus, occidit.

Mortales exuias, hic deponens: se immortalī memoriæ sacrauit.

Eheu!

Columen Regni, corrui.

PATRIA & PROSAPIA INGEMISCENS,

O me infelicem genitricem! dum maiora & feliciora, spero:
talem amitto: qualem, serò mihi promitto, defensorem.

Qui,

Tanquam tutelare Numen & Lamen, mihi ademptus.

Bonīs omnibus, lugendi necessitatem;

Maleuolis, si non luctum: verecundiam tamen, imposuit.

Jam abi viator.

Et si amicus: dole:

Si inimicus.

Sortem tuam, vel, Pompeij mortem, specta.

Si neutrum?

Mirare, rerum humanarum, casum & occasum.

Quippè, huic nihil defuit: præterquam, quod mortalis fuit.

Natali cælo receptus, A. Christi, M. DC. XXXIV. d. 28. m. Julij

Dicatis terræ membris,

Miraculum hîc iacet.

Ô rerum humanarum, inconstans exitus!

100 1/2 30 116, 2

١٠٧٩



Ташкентский университет

245/1017 **COLONICAE** 21000

Misculum hic isce.

10

9

Biblioteka Jagiellońska



stdr0006640

